

Gvangjsih Minzcuz Bau

ganhhau: CN45-0036 B.2013 Nd.3 Ng.13 liggaeuq gveiqceih nienz ndwenngaih co' ngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3064期

“Song Vah” Gvangjbo: Dangj Cibbet Daih Cingsaenz Haeuj Ranz Bouxcuengh

“双语”广播:党的十八大精神进壮家

“Najranz gacaek heuh canz-can, Cibbet Daih cingsaenz haeuj ranz raeuz, dangj daeuj coih roen hawj raeuz bienh, lajmbanj doxlien sim angqyangz. Dangj dwg daengngoenz gou dwg va, Cunghvaz minzcuz caemh ranz ndeu.” Geij ngoenz gonq, Denzyangz Bahbez Yangh yivu gvangjboyenz Suh Vwnzfungh aeu fwen “song vah” Vahcuengh Vahgun doenggvaq gvangjbo senhconz Dangj Cibbet Daih cingsaenz.

Suh Vwnzfungh dawz gangj Dangj Cibbet Daih cingsaenz dangguh hangh cungyau neiyungz ndaw gvangjbo cezmuz de bingz-ciengz guh haenx, sijsaeq biensij le bonj bouh iq gangj Dangj Cibbet Daih cingsaenz, vanzlij biensij fwen “song vah” Vahcuengh Vahgun gventaengz Dangj Cibbet Daih cingsaenz. Vih gya' gvangq yingyangj de vanzlij gingciengz cingj dangdieg boux baenzfouq ak, boux ginghei ak daeuj

daengz gvangjbocan ganggoj, aeu ginglig gyoengqde daeuj gangj Dangj Cibbet Daih cingsaenz. Lai cungj senhconz fuengsik, ndaej ginzcong dangdieg gyaenzmaij, daihgva faenfaen ciuqseiz soudingq gvangjbo cezmuz Suh Vwnzfungh, dingq liux vanzlij daujlun dem. Aen gvangjbocan iq neix dawz Dangj Cibbet Daih cingsaenz cien daengz cien ranz fanh hoh ndaw mbanj Bouxcuengh.

(Yangz Fazmungj)

SIUSIK DINJ

简讯

● Bi' gvaq, Denzyangz Yen gungh roengngaenz 3923 fanh maenz, hawj 2350 hoh gungzhoj gajndeiz ranzyouq diuzgen, daezsang 8500 boux ginzcong gungzhoj dingj cai, gemj cai naengzlig.

(Fungz Cinhyinz)

● Geij ngoenz gonq, youq gwnz 2012 nienz Gveilinz Si Sevei Gohyozy Gai Lenzhozvei Nienzdaej Cunggez Daihhoih, Gveilinz Si Minzcuz Yenzgiuvei ndaej bingzguh yozvei maenhndei.

(Lungz Vaizyiz)

● Denhdwngj Yen nyinhcaen ca ndei byaekgwn cizlieng ancienz gamguen gunghcoz, bi' gvaq aen yienh neix gungh genjcaz byaekgwn 2711 yiengh, ndawde habgek 2688 cungj, beijlaeh dabdaengz 99.2%.

(Vangz Lilanz)

● Bi' gvaq, Nazboh Yen Minz-cuzgiz bauq 280 diuz minzcuz gunghcoz siusik hawj baihgwnz, gungh miz 113 diuz faenbied ndaej guekgva, swcigih, si, yienh vangj-can nem gak gaep bauqcej cazci daengyungh.

(Vangz Bizvaz)

● Bi' gvaq, Ningzmingz Yen gungh fatcuengq yozcen zgyauyuz cienzngaenz bangcoengh 56.24 fanh maenz, 1167 vunz souh'ik; fat lajmbanj yivu gyauryuz gaihdon cienzngaenz bangbouj swnghhoz hawj doenghboux hagseng ninz yozyau ranz gungzhoj haenx 1556.82 fanh maenz, 27587 vunz souh'ik; fat cienzngaenz bangcoengh haeujhag hawj doenghboux dayozswng hawj gungzhoj ngamq haeujhag, 277 boux ndaej coengh.

(Suh Fungvah Sinh Gyahbingz)

● Bi' gvaq, Ningzmingz Yen ginghei laj faex daengx bi canjeiz miz 12.6 ik maenz. Ndawde, iengge gyagoeng canjeiz 10.1 ik maenz, ywdoj canjeiz 0.265 ik maenz, laj faex lijyouz canjeiz canjeiz 0.065 ik maenz, laj faex dajciengx canjeiz 0.2 ik maenz, va nem faexlwg canjeiz 0.162 ik maenz.

(Cough Yizganh)

Yungzsuij: Bak Lai Conhgyah Soengq Gohgi Daengz Mbanj Myauzcuz

融水:百名专家送科技到苗乡



3 nyied 5 hauh, 100 lai boux conhgyah, yozcej daj Nungzyez Bu, Cunghgoz Nungzyez Gohyozyen Mbawcaz Yenzgiuso, Cunghgoz Mbawcaz Yozvei, Gvangjsih Mbawcaz Yozvei daengj danhvei nem cujcz daeuj haenx daengz Yungzsuij Myauzcuz Swciyen, aeu yienhciegz cijdauj, ciendaenz gyangjco, yienhciegz hoizdap daengj fuengsik, daez genyi hawj aen yienh neix baenzlawz engq ndei fazcanj caz canjyez. Ndaw doz dwg boux conhgyah(gyang) youq aen yienh neix Yungzsuij Cin Sinh'anh Cunh ndaw suencaz son baenzlawz mbaet caz.

(Liu Swngyinz ingj)

Nazboh: 1.07 Ik Maenz Gaijguh Ranzyiemj Lajmbanj Hawj 2 Fanh Lai Saujsu Minzcuz Souh'ik

那坡:1.07亿元改造农村危房2万少数民族群众受益

Bi' gvaq, Nazboh Yen mbouj-duenh gyadaih ligdoh, gyavaiq gaijguh ranzyiemj lajmbanj, engq vaiq dwk hawj ginzcong gungzhoj ndaej youq “ranz habhoz”, “ranz onj”.

Vih hawj hong gaijguh ranzyiemj lajmbanj ndaej bauj cizlieng ciuq iugouz guhsat, Nazboh Yen cujcz gensez, nungzyez daengj bumwnz 100 lai boux gisuz yinzyenz, ciengzgeiz

roengz daengz daengx yienh 9 aen yangh(cin)130 aen cunh 5000 lai ranz nungzhoh ndaej gaijguh ranzyiemj youq ndaw diegbya gyang doengh haenx, bangcoengh gyoengqde gveihva ranzmoq, genj diegranz, dingh fuengyiengq; caemhseiz doiq nungzhoh gyagiengz gisuz beizyin nem cijdauj, gyagiengz gamguen, dawz ranzyiemj lajmbanj gaij baenz

gij ranzmoq cizlieng maenhndei haenx. Nungzyez bumwnz vanzlij dawz gaijguh ranzyiemj lajmbanj caeuq canjyez gezgou diuzcingj doxhab hwnjdaej, sonyinx gij ranz gaijguh haenx yinx raemxcingh haeuj ranz nem caep ndei diengzhaex, coih roen guh rienghmou, cungfaen fazveih gij cunghab yauyiz gaijguh ranzyiemj lajmbanj.

(Vangz Bizvaz)